

Arkiv: FA-U60
JournalpostID: <jplD> 20/8987
Saksbehandlar:
Dato: 18.02.2020

Saksframlegg

Saksnr.	Utvalg	Møtedato
011/20	Utval for helse og omsorg	10.03.2020

Alkoholpolitisk plan for Alver 2020-2024 Rådmannen sitt framlegg til vedtak:

Alkoholpolitisk plan for Alver kommune 2020-2024 vert lagt ut til offentlig høyring.
Høyringsperiode er sett til 6 veker.

Utval for helse og omsorg 10.03.2020:

Behandling:

Kommunalsjef Leni Dale og rådgjevar helse og omsorg, Grethe A. Herøy orienterte og svara på spørsmål.

Else Marie S. Dale (KrF) sette fram følgjande endringsframlegg:

Punkt 8.2: Fjerne ordet alminneleg

Framlegget fekk ei røyst (Else Marie S. Dale, KrF) og fall mot sju røyster.

Else Marie S. Dale (KrF) sette fram følgjande endringsframlegg:

Punkt 8.2, kulepunkt 3: Fjerne henvisning til opplæringslova.

Punkt 8.2, kulepunkt 6 blir fjerna

Framlegget fekk ei røyst (Else Marie S. Dale, KrF) og fall mot sju røyster.

Else Marie S. Dale sette fram følgjande sekundærframlegg:

Punkt 8 - "Særlege høve": Ikkje utviding av skjenkeløyve i kombinerte anlegg i høve til kva det er i dag, dvs at det kan vere utleige til arrangement med alkoholservering i Radøyhallen, Lindåshallen og Nordhordlandshallen.

Framlegget fekk 1 røyst mot 7 røyster, og fall.

På vegne av Alver Arbeidarparti sette Kirsti Gjetle Floen (Ap) fram følgjande endringsframlegg:

Det blir opna for alkoholsal på julafta.

Fire medlemmar røysta for endringsframlegget (Ståle J. Hauge, Ap, Kirsti Gjetle Floen, Ap, Roy Bø, Frp, Hendrik Weber, R, og fire røysta mot (Else Marie S. Dale, KrF, Sølvi Knudsen, Sp, Ingrid Sødal Eidsnes, Sp, Thore Helland, Fnb).

Med utvalsleiaren si dobbelrøyst vedtok utvalet at det i alkoholpolitisk plan blir opna for alkoholsal på julafta.

Utvalet røysta deretter over alkoholpolitisk plan i sin heilskap.

Utvalet vedtok samrøystes rådmannen sitt framlegg med følgjande tillegg:

- Det vert opna for alkoholsal på julafta.

HO- 011/20 Vedtak:

Alkoholpolitisk plan for Alver kommune 2020-2024 vert lagt ut til offentleg høyring, med følgjande tillegg:

- Det blir opna for alkoholsal på julafta.

Høyringsperiode er sett til 6 veker.

Politisk handsaming

Saka skal avgjerast i Utval for Helse og Omsorg

Bakgrunn

Høyringsutkast til alkoholpolitisk plan for Alver kommune 2020-2024 vart lagt fram i utval for helse og omsorg 04.02.20. Det vart gjort vedtak om å sende planen tilbake til administrasjonen med endringar på fleire punkt og utgreiing på nokre punkt.

Saksopplysningar:

Endringane er no innarbeidd i planutkastet i samsvar med vedtaket. Det er i tillegg teke inn nokre mindre justeringar og justering på layout, som etter administrasjonen si vurdering hevar kvaliteten og gjer planen meir tydeleg.

Følgjande er lagt inn i planutkastet:

1. Under punkt 6.3 Ambulerande løyve er følgjande tekst fjerna:

«Døme på slutta lag er bryllaup, årsmål, jubileum»

Teksten «Med slutta lag meiner ein at det allereie før arrangementet tek til er danna eit slutta/privat lag av personar som samlast for eit bestemt formål i eit bestemt lokale» er flytta til punkt 3 Definisjonar.

2. Utgreiing av følgjande tekst og vurdering om den skal takast vekk:

«Arrangement i regi av lag og foreiningar er ikkje å rekna som slutta lag.»

I kommentarane til alkohollova § 4- 5 står det følgjande:

«Arrangementer som ikke oppfyller lovens krav til sluttet selskap, er for eksempel:

Vanlige medlemsmøter i en forening, sammenkomster for idrettslag, klubber, organisasjoner o. l., studentfester, russearrangementer. Kundekvelder, mat- og vin-kurs, kunstutstillinger, VIP-arrangementer. Arrangementer som har begrenset tilgang, men hvor det ikke foreligger nødvendig tilknytning til den/de som inviterer. Det understrekes at listen ikke er uttømmende.»

Kommentarane til lova viser kva type arrangement som skal definerast som slutta lag.

Administrasjonen vurderer det som tenleg å ha med setninga «Arrangement i regi av lag og foreiningar er ikkje å rekna som slutta lag.»

Dette for at planen skal vera tydeleg og føreseieleg for søkerane. Setninga er ikkje fjerna frå planutkastet.

3. Under punkt 8. Retningslinjer for å avgrense eventuelle skadeverknader av skjenking av alkohol

Utvalet ber om forslag til definisjon på følgjande tekst: "særlege høve" - også vurdering av hyppigheit på arrangement som definerast som "særlege høve".

Administrasjonen har lagt inn følgjande forslag på kva som skal definerast som særlege høve: «Større arrangement som går føre seg 1 – 2 ganger pr. år. Til dømes festivalar, store jubileum og dansegalla. Lista er ikkje uttømmende.

Unntak: Utleige til særskilte arrangement gjeld dei større kommunale idrettshallane der arrangementet er av ein slik storleik at det ikkje kan gjennomførast i andre utleigelokale i nærområda.»

Følgande setning er lagt inn: « Tvilstilfelle av "særlege høve" skal avgjerast i Utval for helse og omsorg, eller av utvalsleiar dersom tidsfaktoren tilseier det».

4. Del III Forskrift om sals-, skjenke- og opningstider i Alver kommune

Punkt 1 a og b: Endra starttidspunkt for salstid frå kl. 08.00 til kl. 09.00.

Punkt 2. under alminnelege skjenketider er siste setning «Desse tidene gjeld som hovudregel også ved løyve til uteservering» tatt vekk.

5. Framlegg til justering/ending av første planutkast:

Under punkt 1. Delegering:

Kulepunkt 2 : Her sto det «Kommunestyret skal vedta inndraging av sals- og skjenkeløyve - jfr alkohollova § 1- 8». Dette punktet er i framlegget tatt vekk og lagt inn under delegeringa til Utval for helse og omsorg. Grunngeving for endringa er at det bør vere samsvar mellom tildelings- og inndragingsmyndigheit.

Klageorgan for saker delegert til rådmannen var ikkje spesifisert i førre planutkast. Det er no lagt inn framlegg om at dette er Utval for helse og omsorg.

Siste kulepunkt: Rådmannen er delegert mynde til å foreta enkeltvedtak om tildeling av prikkar. Det vert no presisert at denne delegasjonen også gjeld enkeltvedtak om inndraging av løyve (alkoholforskriften kapittel 10).

Vedlegg i saken:

27.02.2020	Høyringsutkast ALKOHOLPOLITISK PLAN Alver kommune	1356367
27.02.2020	HO 04_02_20 Alkoholpolitisk plan for Alver kommune	1356402
	2020 - 2024	